



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-80/22

Sarajevo, 26.01.2022.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Suljević Samira, dostavlja se;-

VEZA: Vaš akt broj:01-04-47661-21/21 od 28.12.2021. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 46. Radnoj sjednici Skupštine Kantona Sarajevo održane dana 27.12.2021. godine, u okviru tačke Dnevnog reda "Poslanička/zastupnička pitanja, inicijative i odgovori", postavio zastupnik Samir Suljević.

S poštovanjem,

Prilog:

-Akt MUP-a KS, Upava policije broj:02/2-02-2-438/22 od 25.01.2022.godine,
-CD x1.



Dostaviti:

- ①. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



25-01-2022
126/22

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
SARAJEVO

BOSNA I HERCEGOVINA FEDERACIJA BOSNE I HERCEGOVINE KANTON SARAJEVO MINISTARSTVO UNUTRAŠNJIH POSLOVA SARAJEVO			
Primijeno: 25-01-2022			
Org. jed.	Klasif. oznaka	Redni broj	Broj priloga
01-7	02-2	80	122

Broj: 02/2-02-2-438 /22
Datum: 25.01.2022. godine

MINISTARSTVO UNUTRAŠNJIH POSLOVA KANTONA SARAJEVO

PREDMET: Zastupničko pitanje zastupnika Suljević Samira, odgovor, d o s t a v l j a s e;-

VEZA: Vaš akt broj: 01-7-02-2-80/22 od 06.01.2022. godine

Na 46. radnoj sjedinici Skupštine Kantona Sarajevo održanoj dana 27.12.2021.godine zastupnik u Skupštini Kantona Sarajevo Suljević Samir, navodi: „Ovih hladnih dana javilo mi se nekoliko naših sugrađana koji su na više lokacija u Kantonu opazili djecu koja se smrzavaju dok prose, te su me zamolili da ovo pitanje ponovo problematiziramo.

Imajući u vidu da je problem organizovanog prosjačenja djece i sa djecom dobro poznat, te da se korištenjem djece za ove svrhe krše dječija prava koja su im važećim zakonima i međunarodnim konvencijama zagarantovana, a da se još ne nazire rješenje ovog problema, postavljam sljedeća

ZASTUPNIČKA PITANJA

1. U kojoj mjeri su Ministarstvo za rad socijalnu politiku, raseljena lica i izbjeglice KS socijalne, odnosno nadležne ustanove i službe, svjesni ovog problema i koje su glavne aktivnosti koje se poduzimaju da se ova pojava suzbije?
2. Da li je KJU „Odgojni centar KS” dovoljno kapacitirana da može uspješno odgovoriti svim potrebama u KS? Šta bi bilo neophodno unaprijediti da bi ova ustanova počela efikasnije djelovati?
3. Da li je zakonski okvir u kojem socijalni radnici djeluju, a koji se tiče problematike prosjačenja, dovoljno definisan i da li omogućava brzo i efikasno djelovanje (kakve promjene u Zakonu i propisima bi bilo neophodno donijeti da bi se uspostavio efikasan, brz i efektivan sistem)?
4. Da li policijski službenici imaju jasno definisan način postupanja u slučajevima dječijeg prosjačenja?
5. Sa kojim problemima se policijski službenici susreću prilikom izvršavanja zadataka koji se odnose na dječije prosjačenje i šta bi bilo neophodno poduzeti/promijeniti ili unaprijediti kako bi policija ove zadatke izvršavala efikasnije i brže?”

Odgovor:

Uprava policije MUP-a Kantona Sarajevo u cilju zaštite djece i maloljetnika, a u saradnji sa OSCE-om u Bosni i Hercegovini i svim resornim ministarstvima Kantona Sarajevo, Kantonalnim tužilaštvom Kantona Sarajevo i drugim institucijama učestvovala je u izradi "Protokola o saradnji i postupanju u slučajevima protivpravnog ponašanja na štetu djece u Kantonu Sarajevo", broj: 13-02/4-05-2789-30/18 od 04.10.2018. godine, koji je potpisan od strane svih relevantnih institucija i predstavlja važan instrument sa jasno definisanim poslovima za policijske službenike Uprave policije MUP-a Kantona Sarajevo, nakon čega je potpisan i Aneks navedenog protokola broj: 02-901/19.

Ovaj protokol ima za cilj sprječavanje prosjačenja, skitnje, eksploatacije djece, kao i svih vidova zloupotrebe i protivpravnih ponašanja na štetu djece u Kantonu Sarajevo, u kojem su na sistemski način definisane smjernice u postupanjima kod slučajeva gdje su djeca oštećena krivičnim djelima ili prekršajima. Navedenim protokolom definisana su postupanja svih sudionika u procesu zaštite djece, kako djece koja prosjače na ulici ili su izložena drugim vrstama rada na ulici ili su žrtve trgovine ljudima, tako i u svim drugim ponašanjima kada se radi o protivpravnom ponašanja na štetu djece, čime se na sistemski način pokušava riješiti navedeni problem (smještaj djece, zdravstvena zaštita i dr.).

Radeći na prevenciji maloljetničkog prijestupništva Uprava policije MUP-a Kantona Sarajevo, u saradnji sa nevladinim organizacijama i drugim partnerima, provodi veliki broj projekata usmjerenih na prevenciju maloljetničkog prijestupništva u Kantonu Sarajevo, te se u skladu sa strategijom rada policijskih službenika u zajednici, nastavlja kontinuirano djelovanje radi sprječavanja svih oblika devijantnih ponašanja djece i maloljetnika. U ovu svrhu policijski službenici Uprave policije su održali niz predavanja u osnovnim i srednjim školama u Kantonu Sarajevo u cilju upoznavanja djece kako mogu postati potencijalne žrtve trgovine ljudima, a navedene aktivnosti provode se u kontinuitetu. Policijski službenici i dalje nastavljaju rad na unapređenju i uspostavljanju saradnje sa svim relevantnim institucijama, kako vladinim tako i nevladinim organizacijama, a u cilju zajedničke borbe protiv činjenja krivičnih djela iz oblasti trgovine ljudima.

Pored naprijed navedenog, postupanja policijskih službenika Uprave policije su determinisana i nizom drugih zakonskih i podzakonskih propisa, a bitno je tu istaći Zakon o prekršajima („Službene novine FBiH”, broj 63/14), Zakon o prekršajima protiv javnog reda i mira („Službene novine Kantona Sarajevo”, broj 18/07, 7/08 i 34/20), Zakon o krivičnom postupku Federacije BiH („Službene novine FBiH”, broj 35/03, 37/03, 56/03, 78/04, 28/05, 55/06, 27/07, 53/07, 09/09, 12/10, 8/13, 59/14 i 74/20), Krivični zakon Federacije BiH („Službene novine FBiH”, broj 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17) i dr, kojima je također jasno utvrđena procedura postupanja policijskih službenika u pogledu dokumentovanja, procesuiranja, obavješćavanja, nadležnih sudova, tužilaštva, službi socijalne zaštite, kada je učinjen prekršaj ili krivično djelo sa obilježjem prosjačenja u kojem se kao žrtve ili učinioци pojavljuju djeca, maloljetna lica ili punoljetna lica.

Nadležne organizacione jedinice Uprave policije kontinuirano vrše analize svih oblika protivzakonitih ponašanja, te na osnovu istih sačinjavaju i planove rada prevencije, identifikacije i sankcionisanja izvršilaca istih. Na osnovu naprijed izloženog, može se konstatovati da policijski službenici Uprave policije u skladu sa zakonskim ovlaštenjima preduzimaju sve neophodne mjere i radnje iz svoje nadležnosti, te ulažu velike napore u prevenciji problema prosjačenja ili svodenja istog na minimalan nivo.

Kao problem sa kojima se policijski službenici susreću u svom radu, po navedenoj problematici, su povratnici u vršenju prekršaja prosjačenja.

Novčana kazna kao prekršajna sankcija koja se prema njima izriče nije dala željeni rezultat u cilju odvikavanja od izvršenja protivpravne radnje prosjačenje, jer su navedena lica uglavnom slabijeg imovnog stanja.

Kao problem javlja se i samostalno postupanje, posebno uniformisanih policijskih službenika, prilikom provođenja postojećih zakonskih odredbi, u pogledu pristupa - prilaska djeci koja vrše prosjačenje, iz razloga što ista nakon što primjete policijske službenike udaljavaju - bježe, što bi u određenim situacijama, kao što je na primjer prosjačenje na saobraćajnicama, moglo imati teške posljedice za počinioce prekršaja (mogućnost da budu povrijeđeni u saobraćajnim nezgodama). Također je primjetno da određeni broj lica koja vrše prosjačenje nisu nastanjeni na području Kantona Sarajevo što otežava proceduru eventualnog zbrinjavanja od strane nadležnih Službi socijalne zaštite.

Prijedlog mjera za unaprjeđenje rada po navedenom osnovu:

- izmjena postojećeg Zakona o prekršajima protiv javnog reda i mira Kantona Sarajevo, na način da se u navedeni zakon uvrsti član prekršaja za lica koje se zatekne da daje novac licu koje vrši prosjačenje, sa iznosom iste visine novčane kazne kao i za lica koje vrši prekršaj prosjačenjem,
- unaprijediti sistem realizacije novčanih kazni,
- unaprijediti koordinaciju rada sa nadležnim institucijama,
- uspostaviti jedinstveni protokol za postupanje u slučajevima prosjačenja.

S poštovanjem,

